

湘  
真  
閣  
稿

湘真閣稿序

李子宋子陳子相聚於逆  
旅之舍相得而徵詩李子  
曰凡詩之情和厚而渾濶  
悲離而近真留連於物而

無黷饜之心毋苟爲逞極  
而失其平道之以觀其通  
也漱之欝之以鳴其不得  
已也隱之以觀其思也約  
之以示其不淫也故審情

之作十不失四五焉宋子  
曰凡詩之氣桀立而負雄  
者高體實而屢變者長滔  
漭而善制者勝體有時而  
激有時而夷節有時而疾

有時而絳材有時而蓄有  
時而馳高山極之巔峩乎  
其有望也深淵停之而不  
可邀竭也故審氣之作十  
不失三四焉陳子曰凡詩

之聲發於內心流寓乎物  
變散雜乎山川是以明堂  
清廟取其和以平也故國  
故都取其感以思也邊風  
朔雪取其壯以悲也勞人

思媿取其幽以怨也純大  
則皆鼓與角也純絀則皆  
絲與竹也純浮則韋縵而  
不震也純切則弦絕而不  
醉也故審聲之作十不失

一二焉蓋三子之所以言  
詩者備矣然而二子有其  
意而未得旣其才故望而  
未入陳子旣其才而又專  
其學故入而遂優是編也

成乃白雲之後勁而宛委  
之前矛也李子旣樂觀之  
因述前言而序之

同郡友弟李雯題

紅梅花賦

若夫霧辦分英冰致解盡凍魄初還春嬌驛踏火砌而吸灑扣梨之翠倚道段之芳派摸嫩霞而漬粉翠雄婦而煙肌琢輕紅於玫瑰銳心以春蕙限鹿鏡以烟持紛白曉子剪玉朱施而弄姿丹納之綵腕點碧窗之愁眉依微酣以觀苔漱奇汙于戲露於蓉脂如添香闇玉粧以砌素注朱黃于絳唇素蓋于瓊樹萼綠失仙同心起姑瘦大齊之葉耀海銷于暮月分裾而辭衣水為茵而就步拽腰娃之綺袖浮戲兒之墮羽冷月懸于昏黃闌素娥于清寥爾追蹤頭木落僻路弱飛城丈道漫香酥脫把秋紅綿于青雪借絕鑑于斜暉泣通休之骨貌望溫泉而透辭乃若下深閨春帽小徵蝶侶畫盤鶯妃晚徘徊亦以照鹿裝嬌以醴頰隔翠幕而招人財紅樓而趕燕湖城夢裏夜引鮮仙院空魂歸早遊秋媛玉鱗零落種是耳魚素手織錦雙拖紅綠燕裁葉毫或傳蘇氏之園畧接始終又交壽陽之鉢顧默尋于春羅裁舞衣之姽婳已矣我小藍柔綠自然親巧剗韶桃半卷誰憐紅粉歇風雨伴幽人

謝春芳銳薰範放

鎖鹿清朝。鶯嚢乾影。歇芳于夜。鄰帳消烟。憲赤鮮于承。花被猶滋而帖玉。神夢加石焰。  
接江委懷。香爐存沈浦。未有生花鉛。斷光猶媚。況裸節。娟娟若含芳。澤臺增碧玉。牀伴鬱金明。靜  
鑑龍鈞。培塿于秋落。神寒冷風飄。獨大以夜焚。小翠入如薰。愁殘焰惡而竹深。画眉刷翠。期見新妝何。  
袖垂紅時迷薄醉。翠非神在。刻半面以難。此本愧蘭膏。捲三年而不寢。

湘真閣稿卷之二

華亭陳子龍懋中著

賦

歌賦

東吳公子遺俗玄散樂道冲虛寄情宴衍築流雲之高臺啓迎風之疎館於時清露下霄朗月斜漢蘭塗郁靄瑤堦璀璨九華盡撤五明微按帷幕朗映絲竹輝奐雕觴飛坐玉盤持案乃有西楚大夫駕黃龍之翼乘青翰之舟垂延喜之

佩衣吉光之裘凌飈逐景以遨以遊爰造公子  
而問曰良夜寥寂閑房窈窕何爲樂方娛神適  
道夫朱干鷺羽假飾於形不若自然之要渺也故雅  
鏞鼓簫管度聲於器不若自然之要渺也故雅  
鄭殊音正變異致皆足以平心氣凝膠擾也我  
將與子究宮徵之所發極哀樂之所兆蕩精靈  
於廣漠東神明於靜好我子其有意乎公子曰  
善僕願聳其詳大夫曰唯唯夫何黃輿之奮氣  
今布立聲於正中惟咸莖之克諧兮九歌勸而

從風申采言以勞暢兮引明志以求通徹山谷  
之淵滂兮雜吹萬之靡同選鑑籠於崑崙兮比  
律呂之既離審北音於九成兮感破斧之自東  
歷四方而更端兮紛播逸於纖洪命后夔以稱  
詩兮正咸黑之國工訪商齊於師乙兮本高吟  
於泰容爾乃蠲吉告良于焉嘉客廷實爰旅百  
牢是積清酤流泛珍肴絡繹嘈響旣停雅歌不  
迫浩浩激揚愔愔和惄或陳四夏或奏無射當  
獻酬之交馳進工歌於華席唱鹿鳴之大饗稱

飄葉之幽適奉德音於君子薦微誠於東帛匪  
借聲於神聽豈燕盤之能格故先王以之令嘉  
會好正直固以微志而祀隔矣及乎致虔祖考  
殷薦天神祐燎燭熪圭璧嶙峋雲和憂憂應田  
鬢鬢血骨始致流黃孔醇理九變之廣大發八  
闕之清淳瞻矇瞽之升降沛巫史之紛綸於是  
歷玉陛登神房潔袂舉清謳揚靈旣醉心悅康  
本周頌之肅穆儼大雅之輝煌洵一唱而三嘆  
交忻暢於陰陽斯奠酬而咏德紀盛功於皇王

此所以接天人善風俗流芳聲而遐烈光也若夫幽堂靜夜密坐微寒黼帳初啓蘭膏未殘趙女入侍荆艷呈歡曳文衣之飛霧掩丹扇之雙鸞振激楚之匹溢騁結風之波瀾意沈詳而未吐兮逝精彩以相和拂嬌服以徐進兮又睇盼而婆娑顧園絲之旣御兮歛高情於翠蛾動朱唇之沃若兮露皓齒之鮮瑳激潛氣之內引兮觸清颺而蕩波轉參差而變度兮聆旋折於輕冰察聲按節抗墜中倫矩鈞齊壹綿聯的歷綴

屬繁密磊落清辨端倪橫出狀似貫珠又象行  
雲依違紱繞習習沄沄雋妙爛叢音毓蘊潘  
逸搖演駘蕩無垠若有煩冤厲響竦神餘情漪  
漾若絕若連抑揚漂悠從風極妍其始發也天  
機初濬微緒布條優柔寥亮若春禽之嬉遠霄  
其旣進也合還馳鶩激昂騷隙若瓊樹風起柯  
葉相交又若哀湍奔會歸山椒秀頸延佇芬芳  
飄飄宛轉應并氣平音高纖不幽散鉅不漫散  
攝器敏妙舒意逍遙傾蕙心以先達託離吟而

告之感雲物而不度繞香塵而亂飛麗容煥爚  
修辭顯媚若所私也志渺天衢聲出金石又何  
奇也低眉掩抑倏忽盡滯重有思也嚶嚶咿  
懟怨怛惕甚可悲也爾乃二入迭進商羽遞起  
羅襪滿庭清哇溢耳采菱高唱陽阿繼美紛葩  
駢田不能端委疑有爭紊終歸洽比或相凌競  
或隨披靡或宏爽而成綱或輕促而共紀或金  
進而合節或孤響而見旨或數部齊潔寂然再  
收或遺音如縷悽若九秋明吐納之殊致今均

妖蠱而善柔態夷暢以舒雅兮既嚼玉而含鏐  
誠惠君以好音兮貢極歡於宴遊于是衆賓既  
去良夜未央肯酒盈樽明月施光練色選聲歸  
我曲房就中最殊妙解宮商弛翠翹解明璫玄  
鬢墮澤華桂散芳景往神移杳若遺亡乃爲幽  
蘭之歌歌曰樹芳馨兮山之阿時將暮兮可奈  
何渺天路兮誰經過思君子兮哀情多又爲滌  
水之歌歌曰波粼粼兮蓮田田中有美人兮鼓  
朱絃欲往從之兮阻清川於時抗首曼聲徘徊

徙倚春柯振落嚴霜倒起雖携手紅顏坐錦茵猶  
悲不能自己也是故北里可以亂靈祇漆酒可  
以娛情志豈葛氏而開歌奚鉤天而習吹然而  
煩手搖聲溺音蕩嬉太帝所以生悲雍門爲之  
出涕固知既和而且平誠風人之正義

秋興賦

并序

昔潘安仁爲虎賁中郎將春秋三十有二始見  
二毛悼年歲之變衰憇江湖之休逸作秋興賦  
可謂洽達人之致矣然而躁競爲譏嗜進無已

托跡權門卒用顛越聽言觀行胡其爽歟余才雖不逮年與之齊將鼓卜商之琴

予方當禪除

無意

曼容之祿又以時際平嘉群多潛俊方欲修農圃之勤取名敎之樂於時秋也游目郊原倚袖林木曠然有遺世之思觸景抒情援筆續賦雖文謝往美而旨與昔殊矣其辭曰

胡旻天之爲此凜秋兮氣寥廓而肅清薄素商而日深兮豈春夏之易更風發發而出林兮日澹澹而遙征雲黯黯其凝靄兮露滋滋而先零

感百卉之具腓兮恐予心之不寧鼈曼曼而送  
遠兮夕渺渺而臨風對搖落於山椒兮曷自持  
於頽容衆芳逝我而不留兮佇盤桓以誰同悼  
時育之代謝兮憂相接而攻中悟紓軫之增傷  
兮聊慷慨以旁通於時枉渚收潦亭臯隕籜樊  
蘿始芳隴稍初穫雁成列而翔雲翬翻飛而飲  
津樹蕭森以漸疎颺衝波以廻薄促羲馭於嶠  
嵫兮望啓明而遲遲苦晝短而夕永兮又明月  
之鑒帷哀蟲切響於東廂兮凜鳥鶴之夜飛心

震盪以無寐兮嘆我生之式微景曠情於邃古  
兮澹容與而委蛇思幹流之推遷兮盈與虛其  
代易物有茂而易塗兮境有隱而不迫憶群龍  
於天衢兮警翔步之偉赫胡智愚之靡定兮曾  
須臾以宛槭豈此態之遂工兮亦逢時而仰澤  
予懷質之耿介兮執貞亮以爲常惟世俗之呴  
訾兮斥輓步而爲狂惜紅顏之日凋兮追昔人  
之慷慨同逐役於萬品兮庸獨已之狃攘苟終  
始之旣嘶兮誠兩殉之足傷愁與身其相守兮

胡塞連而寡康慕真人之博大兮結鴻蒙以爲  
侶咏迷陽之傷足兮念翰音之斷羽命靈著以  
示象兮徵遯二以告子曰用黃牛之革兮將錫  
女以樂土承文后之嘉命兮爰麗人而色舉羨  
稼穡之惟寶兮誠遺情乎簪組登高原而遐眺  
今倚清川而度廬垂荒庭之朱實兮藐青畦之  
嘉蔬澹頽陽於林表兮牛羊下乎故墟問幽雅  
於田畯兮歌唐風於山樞鷺應時而迅擊兮飛  
纖繫於雲中綢沙汭之舒鳬兮弋天際之歸鴻

鯀鰐虞以出游兮投修干以相從湛漁獵之逸  
趣兮微盤衍之遺蹤屏趙女之鼓瑟兮招良朋  
而進酌樂羲皇之愉蕩兮遵孔老之守約發文  
藻以自賞兮縱典墳而寄託瞻秋雲之西馳兮  
愁年歲之淹薄起明哲而無訛兮孰嘉貞於丘  
壑

別賦

漫漫長道悠悠我心揚舲極浦總轡荒林與予  
言別愴然哀吟仰視浮雲倏忽難尋我有旨酒

慷慨酌斟。况秋風兮渡河。又落日兮在野。葉蕭蕭而群飛。泉淙淙而始瀉。指寥廓於翔鴻。憇悲鳴於去馬。覩徒御之紛馳。傾芳樽而不下。含別緒兮孔多。欲陳辭而難寫。於是攬祛。徒倚執手踟蹰。會當去我頃刻。相逾聽車音而絕響。望襜帷而載徂。悅懷人之極目。愧送子之賤軀。掩金鏡而罕御。理瑤琴而常孤。仰明月之迅邁。悵重闌之崎嶇。寄錦書於雁外。啼玉柱於烟途。聊側身而四望。豈離魂之盡誣。言念古昔。誰與爲比。

至若祖道浙江歌驪易水擊筑漸哀舉杯數起  
入虎狼兮不復還。感烏馬兮誰能理。信事居今  
無貳心。憤國仇兮慚壯士。獨臨風以唏噓。咸攀  
轅而莫止。乃有河橋送客灑上辭人奉使隴外  
之官漢濱念殷勤於京洛。忽散漫於風塵嗟官  
局之有守。欲翰飛而無津陳嘉核於錦帳寫繁  
奏於陽春日行暮而欵欵車遵道而轔轔又有  
陷敵避仇遠適異國隱漁艇於江南築高臺於  
塞北望舊里今天涯遇故人兮相匿逝將別以

起舞臨交岐而置食。託黃鸝而神傷。撫瓊枝而嘆息。至若廬江少婦文園小姪恩方膠固義當垂離痛寶玦之既賜出金屋而長辭陳后長門之賦班姬紈扇之詩一朝失職相見無期瞻鑒聲於咫尺慨音徽之永違更若漢皇好武絕域稱藩賜羨人於朔漠嫁翁主於烏孫夏積雪兮天山春無艸兮玉門莫不凜乎變色悽然歛魂改紅顏兮白髮掩青塚兮黃昏思金堂之縹緲念鴛侶之嬋媛又若妾居北里君戍交河夜飛

白羽朝負瑣戈迷鳴沙之異響捲陰風而震波  
悲傳竇女望斷秦娥寄文章於縑素託流怨於  
纖阿聞邊烽之未靖悼玉貌之蹉跎至有銅臺  
尚食之伎茂陵薦寢之女宮車晚駕曠然獨處  
惜餘香之在幄顧遺容之無所憶緒言於生平  
愴永訣於終古玉盃出今人間魚燈明兮下土  
豈若上宮麗質堪聊名倡皎皎窓牖盈盈道旁  
解雜佩兮贈君子折芳馨兮心內傷則有烟林  
花墮平臯艸長青鸞蹀躞紅袖彷徨遠與君別

各天一方飄搖分袂杳若參商悲夫別何地而不愁愁何年而能散陋群遊於麋鹿壯遐征於羽翰苟兩心之不移雖萬里而如貫又何必共衾幘以展歡當河梁而長嘆哉

琴心賦

司馬相如既定西夷還報天子天子大悅日侍甘泉宮後二載主父偃新用事心害其寵譖於上日相如體貌閑都文辭瑰麗然少嘗有佚行於卓氏願陛下弗與遊後宮也天子召相如而

問曰子不好色聳於梁國臨邛之事亦有說乎  
相如跪而對曰臣不好色也陛下幸赦臣臣敢  
畢其說臣生西鄙幽居多暇性翫音聲與志遷  
化撫絃揮手無間冬夏時揚清角蕭寥玄夜下  
望寡和悵然中罷長而東遊得侍貴王賓從最  
盛材人莫當臣廁談者命倨徜徉偶發奇弄妙  
中宮商合坐歛憚賞彼鏗鏘不解其德難與洗  
詳識音本希嘆息善藏於是越秦嶺歸靈關度  
錦水棲岷山客館靜都亭閑爰有圭賜之家倚

陶之族張華屋以延佇啓雲屏而音肅騰清釀  
以娛賓舞芳風而送目主人乃訪羲氏之遺音  
出蒼梧之嘉木飾以水犀繖以荆玉進御上客  
怡情解慙臣於斯時也遷延起坐凝志整容素  
袂當席香纓從風絃指旣調心器相通涉聲理  
曲情穆淵冲叩恭真之始端兮觸予情而未明  
引一緒以成韻兮徐布逸於五聲隱中留而按  
抑兮約要渺於至清意盤桓而不騁兮含內美  
之潔貞忽慷慨以舒志兮俄慘亮而異橫旣分

律而殊彩今比宏纖以應并寤外紛而衷一兮  
表無累於和平懷杳冥而難原兮神離合而無  
期抗高旻以攬慕兮流激楚之參差誠役物以  
像心兮御虛無而見之節鳳吹於層霄兮胡喈  
喈而向飛哀窈窕以淒凜兮態聯綿而若危憑  
曼聲以潛邁兮褰夙昔之頽思接餘情其濶衍  
兮又綺靡而多姿若惝恍以神遇兮豈絲桐之  
我欺於是主人有女宛然在房綠蛾微歛朱顏  
含光感溫幽響竦立彷徨欣若色喜黯兮內傷

諱歎達曙道逢少俊不得回顧歌筵綺席沒齒  
難與淫刑御下顏狀甚倨呵笑穢雜鞭撻無度  
酷用炮烙輕逞刀鋸截髮髡面亟毀修飾窺囊  
啓篋雅善搜捕婢僕噤口閨室恐怖群巫紛若  
性好呪詛祀鬼厭勝求寵之固威攝主君愧汗  
僵仆紅顏流離蛾眉永錮終身奉禁不敢一忤  
夫邪佞入而賢才擯嫉媢冒而婉變饑令尹所  
遇誠爲可悲政當請於大王絕棄嫫母召還南  
威賜帝休之木咏葛藟之詩而顧隱情矯飾謠

張詭辭拂逆好惡撓亂是非願大王之弗信也  
楚王曰善哉諷矣於是視朝出令黜陟有司爰  
命公卿各舉所知蔽賢者罰遺逸者歸賜玉良  
璧官至執珪

○倉庚賦

首夏鮮事偃息長林爰有倉庚飛鳴不止予感  
其文彩聲音有自然之美而不爲羅弋所慕又  
能應時潛藏類有智者遂爲賦之

當仲呂之嘉月實純和之令時倚榮木而翫志

覩文禽之羽儀。錫商庚之雋目。稟中央之麗姿。  
應餘春以表節。鼓惠風而爰嬉。穿繁林而弄影。  
振高柯而訴心。吭纖澤以總翠翼。耀燦而輝金。  
旣續翻於烟幕。俄宛轉於花陰。擬流黃之緩錦。  
似華星之耀林。掛危巢於青桂。含熟果於朱櫻。  
飲霄瀝之夕隧。臨霞氣之晨清。入芳條而遍啄。  
繞綺閣而時鳴。汎靈羽之婉變。庶神聽之和平。  
爾其景暉麗天。輕飈拂路。萍漲曲池。花明密樹。  
葉沃若以凝膏。草芊綿而浥露。則有嚶嚶競諧。

交交遠鶯繁聲瑣散清音廻互態極紆妍情深驅慕爛漫參差飄揚布濩擲傾枝以自憐送緒風而引趣促妙奏於翠幃選嬌歌而暗度若乃漂雲暮起零雨晝聯冥冥叢篠漠漠平田佇高簷以愁溜眺修樾而迷烟思珍偶之遠隔懷故枝而未還旣悽咽以激楚又縹絲而便娟或曼響而含憂或微吟而屢遷轉濃陰之奥席啼空谷之潺湲是以若懽若怨非徵非商雜沓靡漫朗徹悠揚媚清淑之昌景扇和陶之盛芳悲士

倚杖而不去。蠶妾携筐而內傷。莫不覩色徘徊。  
應節彷徨。感玄造之誕物。胡纖翼之鮮爛。紀月  
令於艷陽。助周南之泮渙。味不充於鼎俎。材匪  
供於服玩。本感時而暢音。亦群飛而無憚。及乎  
青女司令。玄英屆期。沙飛大漠。葉隕寒灘。晚日  
隱靄。朝冰滿枝。則熠燿闕跡。覲睨歛輝。與春鶯  
而同蟻。皆霜雁而相違。類君子之語默。識翔集  
於希微。

三 爲友人悼亡賦

同郡宋子建擅醇衷之度見貴士論娶  
婦徐妙有容德兼嫵文史義雖伉儷而  
情同良友不幸數月忽焉殞謝宋子悲  
不自勝命予爲賦以弔之夫哀代寫而  
難明情在遠而可託聊述宋子之言以  
叙其感悼之心焉其辭曰

惟伊人之獨立兮鍾零德於華宗吐秀翹於空  
谷兮懷芳心而向風襲莊姝之外槩兮秉貞慤  
而惠中澄玉輝之灑灑兮銜深意而靡同備風

人之明辨兮。又沈慮其難詳。抗秋旻而卷舒兮。  
渺彼羨之清揚。悵淑問之未申兮。恒潛處而微  
傷感君子之嘉惠兮。表信誠其允臧。綈衆芳而  
附麗兮。合素緡以成章。璀璨徹之沃若兮。揚都  
梁於洞房。結琛縕以投贈兮。佩明月而遺光。賡  
辰彼之清音兮。爰奉嬪於國卿。乘浮雲於鬱洲  
兮。指長淮以遙征。從海州來也越春江而叩舷兮。貽  
蘭臯之雜香。携玉手而拜慶兮。奉酌羞之孔明。  
嫋內則以靜好兮。流弘潤於璜玷。余誠悅其洵

都兮澹容與而神怡。植瑰木之青葱兮。延綺窓之朝暉。啓黼帳之陸離兮。拂象牀而攬持戲翠羽於茗華兮。溯迴影於銅池。申旦旦其不暮兮。望河漢以爲期。操園絲而進御兮。奏白雪之微辭。和心氣以平一兮。極玄思以相依。時婆娑於麗藻兮。意靡靡而稱詩。實獲我而解諷兮。誕修能之所資。信時序之飄忽兮。雖長年而甚速。春與秋其未代兮。胡虞淵之愈促。水滛漫以逝川兮。葉輕揚而辭木。折瓊條於勁風兮。喚孤音於

丹鵠曾昔日之皎皎兮翳令質於重泉念始別  
之如暫今廼今亮其不還縱幽塗之永障兮豈  
乎情之遂捐扇舊篋以凝塵兮闕遺帶之卷然  
悲紅顏之易化兮撫微物其尚全欲焚棄以滅  
慮兮又寄心而舍旃草萋萋而上堦兮琴黯黯  
而無絃志屏營而若失兮臨虛堂以周旋天掩  
靄以入暮兮仰三星之歷歷顧餘芬之在懷兮  
廢寢興而誰索燈熹微以背人兮鼠長吟於暗  
壁匪淒凜之莫避兮庶潛靈之我適假清夢以

求通兮路漫漫而彌遙。駕予神以爲馬兮御予氣而爲舟。眷太陰於異域兮聊彷彿於好仇。計生平之衷言兮介虛無以中留。忽形影之熒惑兮獨宛然而寡。儔命大人以占之兮著繇象於蟬蜎。從巫咸之所招兮接人神以綢繆。歌曰碧砌兮朱闌。蘂蕪兮射干。錦爲帶兮珠爲繫。靈之舞兮來珊瑚。寶鏡兮在廄。紈扇兮未殘。椒爲漿兮玉爲餐。靈之來兮多盤桓。重日明、明日月相推移兮之子于歸我何悲兮忘情返真猶可追。

令卓彼蒙莊汝所仰允

湘真閣稿卷之二

華亭陳子龍懋中著

風雅體

南溟

南溟少詹黃公貶豫章其門人作詩以贈之也

南溟浩浩灌于九域挺茲君子光我邦國生民惟良好是正直天惠大師鍾此孝德

孝德伊何文明且貞亹亹惠心多藝不顯令儀

孔閭愔愔淑人秀于丘園明德昭融王廷所賓  
允矣司直作予史氏執事寅清嘉謨是矢 皇  
王聿興寤寐膚斂孚于睿聖如蘭如蕘

惴惴累宰惟公恤之攘攘叛人惟公測之永命  
難諶惟公質之帝德不爽惟公翼之國有靈  
著俾無回遹

天未寧爾以治公孫于野聖不違時豈日棄播  
優游阿谷履道弗彰克柔克正以永今名  
皇日多難朕方思過春爾舊學庶幾夙夜公心

蹇蹇知無不言古有虞唐以勗我君毋信讒說  
毋適壬人

邦之多辟式以天常豈伊具瞻不慎于儀俾民  
卒狂公拜稽首抗言于庭彝倫永存兆民其章  
惟荆之委彭蠡湯湯我思古人身雖在外廼  
心不忘天鑒不替顯忠遂良無有遐心以慰聖  
明

南溟八章三章章八句三章章九句二章

壹十句

鴈鳩

鴈鳩贈哀節母也

宛宛鴈鳩集于嘉樹其葉黃隕悲鳴不去中野  
張羅維風及雨顧將孤雛傷我喎嚙日月云邁  
勞心實多爾雛翱翔在梁之沙豈不高飛庭幃  
孔遐民生何艱聽此哀吟無言不酬以慰爾心

新樂府

穀城歌

旗離離鼓坎坎雕弓虎牌府門下帳中錦袍坐

紅毯

一解

縣官來不敢行監軍來金坐烹肥羊汝

有禾稻供我糧汝

二解

有訟獄聽我章今我爲官汝

弗驚皇

二解

百姓入門何所見白玉爲君牀黃金

繚繞之美人侍者僂僂仰面乃其妻

三解

相視不敢問中心悲

將軍者何官

三解

昨日黃紙招安小兵

騎馬醉歡突入酒市盤餐

四解

將軍口傳勤王號

舸大舶千檣但問江陵漢陽

五解

又問武昌九江

遼兵行

胡兒騎馬來漢兒騎馬去交臂黃塵中但問汝

家是何處答云我家隔河居汝饋羊酪我報明珠我饋黃金汝報貂褕易水南常山下相逢折箭進酒炙回頭便向西兵射

小車行

小車班班黃塵晚夫爲推婦爲輓出門茫茫何所之青青者榆療我饑願得樂土共哺糜風吹黃蒿見垣堵中有主人當餉汝叩門無人室無金蹣跚空巷淚如雨

賣兒行

高額長鬚清源賈。十錢買一男。百錢買二女。  
心中有悲不自覺。但羨汝得生處。樂郤車十餘步。  
跪問客何之。客怒弗復語。回身抱兒啼。死當長  
別離。生當永不歸。

五言古詩

擬古詩

上山採蘿蔓以下五首

駕言出行遊。在道經舊廬。舊廬今如何。九重交  
綺疏。幽蘭植洞房。清風吹廣除。昔爲故人室。今  
作新人居。但覺新人來。不知故人去。折我秋時

花種君春時樹折花不復生種樹何絲固願思  
故人新莫使新人故

○其二

客從海南至握中有都梁言慕君子德遠道登  
高堂堂中博山爐鏤錯何輝煌上有仙人游下  
有神螭翔此器誰所用將以薦國香神靈四向  
會鳥獸亦徧徨我欲因風發焚之送君旁君懷  
常不向何繇見芬芳

其三

今日逝將別形影一相依萬里不足遠子行豈  
無期別離古所難但願長相思子有新巧笑古  
懽終不移恩愛苟未替努力事容姿

其四

浮雲生隴首遠望何茫然雙弧若明月結交在  
盛年晨陟太行山側足不能前念我同心人涕  
下如流泉

其五

舜華媚朝陽薄暮顏色衰初承君子愛豈復忘

來茲昔時比翼鳥相背雲中飛蕭蕭霜露下沉吟整裳衣願言積情愫同心以爲期

雜詩

朱夏芳未歇歷落懷長林黃鳥鳴交柯玄蟬翳  
清陰習習涼颺至吹我綠綺琴牙曠雖已遠丘  
中留令音處群生靡態獨立凝貞心遺慮繁景  
外抗志高山岑世度傷局促賢達任浮沉

其二

勁翮有遐舉直木無繁枝邁往絕凡迹端正嘗

違時世人重容悅滑稽誰能期疾風嘆振落橫流悲歎而旣丁陰雨會局望康衢馳履榮豈永存執義恒在茲爛爛烈士心寒暑安可移

其三

良晨多清暉玄化自相扇忘憂襟背繁芳苔  
前精蕤蕤桐華落鬱鬱椒條衍微賜照顏色漂  
雲潤舒卷四序如流泉群動遞遷擅人生任物  
役銷鑠何繇見自聆魑魅哀坐惜芳容變

其四

濯足黃河濱河水廣且長鯉魚何汙汙乘霧欲  
高翔玄圃不可到退與泥鰌藏憇憇雲中龍天  
矯天漢旁霖雨徒在握徘徊殊未央天澤豈不  
大屯膏安可常哀此下土民何繇告穹蒼

其五

日夕登高臺馳目窮萬里衆星燦雲間經緯誰  
能理神哉玉衡運天樞無終始上有瓊瑤宮紫  
皇日端委我欲乘飛鸞躡青碧雲裏聲抗塗愈  
遐心長情何已懷中五色石相見徒磊磊

其六

山椒微風發薄暮遲佳人頽陽澹林表素月生  
河津佇立懷往路時晏多苦辛君家青雲樓瑤  
華艷當春臯蘭亦有芳欲寄良無因懽愛豈足  
重要使恩誼申浮雲誠易阻自璧終見珍

其七

逐時多近娛邁古懷長憂高節勵貞亮芬芳耀  
千秋日月逝逾疾我生獨何求烜赫邀世榮傾  
側遞相仇威蕤丹山鳳逍遙凌九州一鳴簫韶

奏再鳴商爲周顯晦隨景運難與燕雀謀曠哉  
黃虞際念此心悠悠

其八

炎海蕩南極陰火生紫瀾珊瑚交映爍淵客游  
其間隋珠產深崕百里波光寒輝輝若明月登  
君赤玉盤輕華映四壁對此欲忘餐國鎮同龜  
玉匪爲耳目觀庶其十襲固毋使蛟龍懼

其九

昔余遊泰山獨上登封臺金泥綠玉宇千古藏

莓苔日觀凜晨眺勁風萬里來  
羲和整東駕魂攀光徘徊海波靜深碧  
燭爍倒影開出沒見孤嶼恍惚浮蓬萊  
役逐短影內冥昧同塵埃我思乘霞人  
回視何其哀

其十

至道無相非末流垂心迹高懷苟不亮執疑日以積賢隨貴同用愚與賤交役騰名自有階投讒豈無隙營營棘上蠅可以攜金石履繩思寡尤超方鮮奇策毀譽苟未忘顧影慙蹠躇

其十一

生平耻國難小小慕從軍一爲意氣言英俊來  
如雲烈烈風晝暗鼓角遙相聞胡漢日紛拏轉  
戰黃河濱伏劍立原野四顧何無人雲臺多高  
議緩步清烟塵嗟爾漆室女長嘆良苦辛

其十二

飄飄雲間臺枚枚水中殿宛宛黃龍游搖搖翠  
旗轉中有芙蓉冠蕭條日娛燕烟塗豈云疲神  
境安所憇嘆予無機智忘情任舒卷贈予金光

草相期事遊衍

其十三

尚口自有窮捫舌豈我欺伊予昧機變率性不  
自知遇物皆乘言當險若履夷於已固弗慎安  
望人保持俯仰生平內常與悔相隨沉默苦不  
蚤壯盛忽若馳世人貴形迹君子敬威儀臧否  
聖所誠南容真我師

其十四

憶昔遊京輦淹留西省鑰好鳥及晨鳴華樹當

秋落輝輝同舍子皎皎艷城郭人生各自媚  
窈欣所托淒颺自南來歛意遲蓬藿迢遙金門  
侶惠好良不薄猥以管蒯姿顧比蘭與若亮無  
萬里風聊從三徑約

其十五

泠泠素女瑟能使秦帝悲鼓琴英皇間八宇薰  
風吹愉感中所感聖賢疇不移耿音依令德子  
野審其微我登高山阿浩然撫金徽雖非陽春

奏賞心當自知

其十六

秋風生桂樹微月起繁霜嫩人瑤臺秀中夜立  
蘭房惜慙靜不發儀態誰能詳含情豈有極  
禦義固其常狂且重紅顏長意一彷徨恍惚綺羅  
間迢遙河漢旁何時覩君子解佩貽芬芳

其十七

舜華炤朝陽枝枝自相媚貞矣南崗松玄陰秀  
交植令顏豈弗渝亮節疇能貳婉變彼姝子邂  
逅一何悲共指千秋期眷言不遐棄歡情有新

故零落從茲始白首旣難保傾蓋安可寄

其十八

嗟嗟健闢下鳴玉交朱輪前有田竇客後有衛霍賓昔合豈無慕今疎豈無因期願旣不在安能強所親盛衰等晨暮馳驚徒苦辛勢移生背憎多爲恩愛人黨私旣寡益君子敬其身

其十九

墓門有惡木柯榦何迺卷良士不肯蔭鶠鷀巢其巔同以雨露潤不與百卉妍性質固自殊大

造安能遷我行適見之三日醒未痊利斧雖在  
手斬伐無此權去去保芳潔瘞然思過愆

其二十

翹翹千仞松萋萋徑寸草居高風雨多處卑履  
踐蚤養內或遺外周慮誰能保人生遞相遷玄  
機何勞擾鯢鵬化固大蛤雀變寧小蜉蝣戀朝  
光顧影期難老所以沈冥士忘情放塵表

擬古三首別友李氏也

舒草爲其曾子人水部  
公伏闕訟冤而北也

旨酒娛今夕握手不能辭漫漫卽遠道惜別在

良時引商爲君歌浮雲爲我馳慷慨寫新聲遊  
子愴以悲昔時隨陽鳥和鳴托清池一朝南風  
發別我忽若遺鷹準滿天地言念去何之鼈勉  
立竒節相見會有期

其二

昭昭明月滿燭我天一隅黃鵠慕清光萬里忽  
相踰賴此樽酒會因得少踟蹰懷中有短褐十  
載常區區人生貴高義何用榮薄軀淄澑旣不  
辨盈缺在須臾古有鶲鳴歌隨君揚上都愧無

烈士心徒嘆形影孤

其三

北風歲云暮攬衣起彷徨行人佇中野胡馬鳴  
枯桑天漢流雲間三星忽低昂哽抑無所語悽  
悽上河梁孤雁從南來助我心內傷知君不可  
留聊酌盈此觴四海猶襟帶母爲往路長願此  
魯陽志能迴白日光

蕭史曲

十二碧城暮靈駕傷孤遊自聽人間曲更入秦

家樓樓中有仙子。穿窓白雲裏。新聲落九天。紫  
烟生渭水珠簾爲君開。火禽雙徘徊。一朝携手  
去。此地空高臺。千秋幾儔侶。娟娟常獨處。寄我  
玉樓人殷勤鳳凰語。

歲暮雜詩

北風吹晏歲。白日淡無光。念我同門友。攜手一  
彷徨。冰雪滿原隰。鳥雀鳴枯桑。回回不能去。脉  
脉意何長。牽牛竟無期。雲漢亦有梁。我懷獨在  
遠。徒使心內傷。流水逝安適。浮雲忽南翔。人生

貴同願胡爲恩故鄉本垂凌風翼日夕遙相望

其二

憲伯祥也時伯祥方逐虜於常山

長城帶洪河茫茫遙自草胡馬日夜騎朔風吹  
不少所思在冀方無繇卽長道良人依戰場  
哉慎自保生平慕高義要津安足寶思君可奈  
何浮雲常苦多

送同年趙太史謫閩中

宿昔衣冠會輝輝承明廬知君有和璧一顧傾  
璠璵惠風吹荆棘王路何崎嶇令顏炤青雲德

聲振黃輿嚴霜零中道愴惻夜躋躇登高望炎  
海三島浩以虛美人日遙遠中懷欵不舒賴有  
墳簣唱攜手托同車

時與劉晉卿修撰同謫閩也

其二

朱鳳揚威蕤昔者儀明德生雛始凌風和鳴亦

華國

景之祖文毅公亦以論江陵起服謫世人慕高位君子貴貞

則昭昭經天星晦明安可測君行指孟秋山川  
何險仄南中鴻鴈少無緣寄羽翼最哉保令儀  
邦楨仰遺直

送同年時子求之安陽令

神京盛軒蓋連袂恣遨遊徘徊雙闕下壯矣貞

皇州黃鸝思勁羽厲志凌清秋風雲散天未飄

搖安所投子行宰嚴邑于歸守故丘城郭鬱相

望遙夕通方舟惠我瑤華音襟帶何綢繆

時絲海昌

調鄴也單車駕言邇河水浩悠悠執手臨往路悵

然懷百憂

其二

良辰命徒御送子涉清漳西陵何欝欝三臺亦

已荒霸圖旣衰歇王路方平康傷哉洪河北千里莽戰場剖符綰轂會日夜整我疆蒸黎仰閩  
澤武衛資奮揚勉子榮世業遠續政輝煌何時  
清音奏寄予南山陽

絲光福寺入青芝山房逕西

娛心開令辰幽尋展林薄修坂帶明湖餘暉澹  
雲壑我行何鬱紆舉褰裳討寥廓密樊夾山椒惠  
風披花萼園梅旣芳暢澗松亦孤削興矚馳續  
紛遐情靡所託歷覽窮層阿會景啓高閣日華

炤瓊瑤浮光滋沃若春山翠氣積晚浦霞文落  
遵步歸東峰方舟動孤酌明發懷佳人綰邈丘

中約

登玄墓山

茲晨復杖策駕言陟遐曠積玉瀾崇林屯雲按  
遙嶂奇服遺馨香烈心得幽暢蘭臯吹雜英石  
瀨汎餘漲始浥六水清忽歷萬峰壯丹閣戴翠  
微金輪出霞上和禽嬉冥濛華桂媚搖颺風日  
盪層波孤根浮屏障吞吐千里流彷彿三神望

翰飛理空傳極目更成愴春洲多芳草無因一  
俯仰

靈隱寺

凌晨越清澗策馬遵交岐群峰變陰霽密樹紛  
蔽虧遐踪懶幽徑賞心澹棲遲明霞帶高館乳  
桐拂華懷深森亭檻靜照靄巖花吹素湍媚錦  
石翠壁揚丹荑度嶺旣廻絅陟椒復峯巔會想  
層霄人攬袂披英辭撫物念疇昔舊侶與我違  
遠眺日以傷孤嘆誰能知

古意和舒章

東家井上桐。西家綠綺琴。中宵一撫手。哀艷傷  
人心。珠簾下深院。春風不相見。顏色本未移。音  
響俄以變。君意若流波。妾情常苦多。無人賞淥  
水。終日不成歌。

其二

團扇如明月。羅袂同輕舉。本爲清風多。非愛乘  
鸞女。宛轉懷袖間。亦復賞容顏。自矜君所御。寒  
暑得相關。秋期一何蚤。蛾眉迹如掃。托身在輕

微棄置不復道

余山訪陳眉公先生

朝日啓東嶺靄然秋滿山方舟度林澗杖策款  
松關喬木亂雲氣遊禽日以閒主人秀南紀忘  
機駐紅顏丹經註盈卷羽旗時往還高談秦皇  
際馳騖羞人寰眷言蒸黎事天步何險艱勦予  
從王路騏驥相追攀嶧嶧鹿門語躑躅桑柘間

弔盧司馬

司馬磊落姿小少尚奇節勁翮思風雲潛心訪

英傑天性能挽強奔騰駭超忽初鎮大河北千里  
靜車轍秦盜走荆襄南征氣勇決倚劍開烟  
塵彎弓殪饕餮每率百死士當陣自排抉跳盜  
賊壘穿弗使鋒刃缺遊魂阻蒙茸逆徒誠馳突  
天子顧北門五原新秉鉞雄風振雲沙憤氣祝  
遼碣三年漢月高兩載胡塵歇櫬槍纏蔚丘公  
又在線經強起護諸軍赫赫專九伐豈無推轂  
儀恐有當肘掣令多不易遵將騎誰能罰倉卒  
重圍間矢盡弦亦絕得免文吏議難爲世人說

吁嗟鉅鹿下千秋轉嗚咽生平有十驥上所賜  
購馬共十名千里雪五明驥玉頂赤桃花駒豹  
花駒紫駒銀青燕色駒赭白桃花青公有十驥  
咏安忍事胡羯尚思戰場利誰知春草亂部曲  
旣飄零參佐半摧折惆悵李蔡封隱忍劉琨沒  
蕭條烈士希成敗安可設

生日寄酬唐吳江杯尊之贈

才疎賤稍逸年至憂與併浮名鮮憑藉迅邁念  
生平伊予敦宿尚弱歲懷時英貞心寡諧趣慢  
迹謝崇營頗覺芰荷貴遂忘文繡榮謬承嘉運

會矩翻托和鳴旣覩連城德言聆清徵聲撫遇  
衷已惕履傷身自輕小宛愧無忝狀杜悲特生  
馳景積羈恩駐顏寄遐征匪戀曼容祿願協龐  
公耕慰我如蘭友斟酌展餘情沉默苟未攜荒  
宴良可廢

九日崑山道中

平臯霽杪秋行邁臻令節靄靄衰林明徂沴寒  
流澈陽鳥紛已來陰蟲聲逾切碧草隨風變朱  
實凌霜結迅商宿莽疎淒景遠峰潔冰涉頓迴

颺陸行鮮安轍山城展游眺孤客心如憇紫萸  
爛盈把叢桂芳可顧彼美日夕遲蘭卮空在列  
逐物易生哀睽群自辭悅賞心貴昭曠遐矚忘  
違別會尋丘園秀持貞慎繙沮

寄懷婦翁張方同先生時令邵陽

詩至先生已卒

不及見也  
讀之慨然

君王領南服夫子誠國器神鋒蘊盛年歷覽見  
深智俯瞰瀆水清坐引衡山翠平易乃近民經  
術緣吏治庭戶敞虛寥揮絃碧雲至谿水飛林

瑞千里綠禾穗九月國賦畢叢祠開鼓吹人物  
北中州風謠存古意湖湘氣蕭索逆徒擅名字  
橫連荆岳氣轉鬪郴永熾公與父老謀開誠鋒  
武備修政間黨間隱然得渠帥勁兵扼要津四  
隣偃烽燧大君方殷憂蒼生日憔悴勉公旂常  
勲康衢展驥驥不見菜蔓灘銅柱古所置男兒  
靖風塵豈曰匪快事賤子伏江臯蒼茫雲海志  
南鴈月已稀尺書良不易瀟湘多明月何緣一

推寄

湘真闡稿卷之二

十九